



Headline	Taib hadir perkahwinan anak Menteri Muda Kemajuan Tanah		
MediaTitle	Mingguan Sarawak		
Date	31 Mar 2013	Color	Black/white
Section	Tempatan	Circulation	37,981
Page No	3	Readership	113,943
Language	Malay	ArticleSize	226 cm ²
Journalist	N/A	AdValue	RM 514
Frequency	Daily	PR Value	RM 1,541



SELAMAT PENGANTIN BARU ... Ketua Menteri, Pehin Sri Haji Abdul Taib Mahmud dan Puan Sri Ragad Kurdi Taib merakam gambar kenang-kenangan dengan Khairul Anwar Abdul Wahab dan Safriayuni Osman di Kuching, baru-baru ini. Turut kelihatan, Datuk Patinggi Jabu, Datuk Haji Abdul Wahab Aziz (tiga dari kiri) dan Datin Hajah Fatimah Zainudin (dua dari kanan).

Taib hadir perkahwinan anak Menteri Muda Kemajuan Tanah

KUCHING, Sabtu — Ketua Menteri, Pehin Sri Haji Abdul Taib Mahmud dan Puan Sri Ragad Kurdi Taib menjadi tetamu kehormat majlis persandingan pasangan raja sehari, Khairul Anwar Abdul Wahab dan Safriayuni Osman yang diadakan pada 24 Mac lalu.

Majlis yang berlangsung di rumah keluarga pengantin lelaki itu turut dihadiri beberapa menteri kabinet dan Ahli Dewan Undangan Negeri (ADUN).

Khairul Anwar, adalah anak keenam Menteri Muda Kemajuan Tanah, Datuk Haji Abdul Wahab Aziz dan Datin Hajah Fatimah Zainudin.

Usahawan dan pemilik Atok Kopitiam, berkelulusan Kejuruteraan Elektrik dari British Malaysian Institute, Universiti Kuala Lumpur itu bernikah dengan pasangannya, Safriayuni Osman yang merupakan Pengurus Ayu Fabrics pada 23 Mac di rumah

pengantin perempuan.

Dalam pada itu, majlis pernikahan yang dimulakan dengan perarakan masuk pasangan pengantin dan acara tepung tawar oleh Pehin Sri Taib dan isteri, diikuti oleh Timbalan Ketua Menteri Datuk Patinggi Tan Sri Alfred Jabu Numpang dan ibu bapa pasangan pengantin.

Majlis turut diserikan dengan acara tradisi Melayu Sarawak iaitu Nasi Temuan dan memotong kek perkahwinan.